

ХФР

1918-йил
21-йундан чиқа
бoshлаган

№30, 2022-йил
27-йул, chorshanba
(32.724)

Ўзбекистон ОҲОҲИ

Иjтимоий-сиyосий газета

Варчага г'амxo'рлик — давлатнинг бурчи

ХАЛҚНИ РОЗИ ҚИЛИШ – БАРЧА РАЎБАРЛАРНИНГ ЭНГ УСТУВОР ВАЗИФАСИ

Президент Шавкат Мирзиёев 26 июль куни аҳоли турмушини яхшилаш ва тadbиркорлар фаоллигини оширишга қаратилган таклифлар муҳокамаси юзасидан ййгилиш ўтказди.

Сўнги йилларда барча соҳа ва йўналишларда фундаментал ислохотлар амалга оширилди. Тараққиёт стратегияси мамлакатимизда ривожланишнинг янги босқичини бошлаб берди. Инсон қадрини юксалтириш ва эркин фуқаролик жамиятини янада ривожлантириш орқали халқпарвар давлат барпо этиш унинг биринчи мақсади этиб белгиланган.

Иқтисодиёт ва ижтимоий ҳаётдаги барча соҳалар инсон манфаатларини таъминлашга қаратилган. Хусусан, жорий йилнинг биринчи ярмида ялпи ички маҳсулот 5,4 фоиз ўсган. Саноат, қурилиш, савдо ва хизматлар соҳаларидаги ривожланиш суръатлари ҳам, пировардида, аҳоли турмушида намоён бўлмоқда.

Шу билан бирга, Халқ қабулхоналари, ижтимоий тармоқлар ва сўровлар орқали соҳа ва ҳудудлардаги муаммолар, одамларнинг адолатли таклифлари ўрганиб борилмоқда. Улар асосида халқимизни рози қиладиган қарорлар қабул қилинмоқда.

Жумладан, тadbиркорлик бўйича лицензия ва рухсатномаларни расмийлаштириш тартиби соддалаштирилди, муддатлари қисқартирилди. Йил бошидан буён 50 мингдан ортиқ янги тadbиркорлик субъектлари ташкил этилди. Аҳоли сотиб олган уйларнинг 28 фоизи ипотека кредитлари ҳисобига молиялаштирилди. 1 сентябрдан бошлаб хусусий секторда ишлаётган аёлларга ҳам давлат бюджетидан 2 миллион сўмлик ҳомиладорлик ва туғиш нафақаси тўлаб бериш тўғрисида қарор қабул қилинди.

Ййгилишда аҳоли ва бизнесни қийнаб келаётган муаммолар, улар бўйича илгари сурилаётган таклиф ва ташаббуслар муҳокама қилинди. Асосли таклифларни қаноатлантириш, одамлар учун қулайликларни ошириш бўйича мутасаддиларга кўрсатмалар берилди.

Президент халқимизни рози қилиш, тadbиркорликни ривожлантириш учун зарур шароитларни яратиш барча раҳбарларнинг энг устувор вазифаси бўлиши кераклигини таъкидлади.

Ў.А.



ИССИҚКЎЛДАН ИЛИҚ ТААССУРОТ

XXI АСРДА МАРКАЗИЙ ОСИЁ
ҚАНДАЙ РИВОЖЛанади?

Марказий Осие минтақасида жойлашган 5 та Республикани тарихан шаклланган дин, урф-одат, маданият, асосийси, келажак бирлаштиради. Бу минтақада халқлар, одамлар бир-бирини қийинчиликсиз тушунади. Улар минг йиллар давомида битта йўлдан юришган, бир бозордан савдо қилган, бирга улоқ чолиб, бирга кураш тушишган. Мустамлакачиликнинг захматини ҳам бирга чекишган.

Бугун эса улар ишончли келажак учун биргаликда интиломоқда. Марказий Осие аҳолисини умумий экологик, географик ва ривожланиш муаммолари ҳам боғлайди. Мураккаб табиий ресурслар истиқболи, денгиз портларига чиқишнинг мушкуллиги, сўғоришнинг етишмаслиги ва транспорт йўлларининг етишмаслиги минтақа учун умумий муаммоларни келтириб чиқармоқда.

Мутахассисларнинг таъкидлашича, масалан, сувга бой, лекин энергияга камбағал Қирғизистон ва Тожикистон давлатлари энергияга бой, аммо сувга камбағал Қозғистон, Туркманистон ва Ўзбекистон билан ҳаётий ўзаро боғлиқдир.

4 САҲИФА



«АФҒОНИСТОН: ХАВФСИЗЛИК ВА ИҚТИСОДИЙ ТАРАҚҚИЁТ» МАВЗУСИДАГИ ХАЛҚАРО КОНФЕРЕНЦИЯ ИШТИРОКЧИЛАРИГА

**Хурматли делегациялар раҳбарлари!
Хонимлар ва жаноблар!**

“Афғонистон: хавфсизлик ва иқтисодий тараққиёт” мавзусидаги Тошкент халқаро конференциясининг барча иштирокчиларини қутлашдан бағоят мамнунман.

Ушбу форумни ўтказиш тўғрисидаги ташаббусимизни қўллаб-қувватлагани учун Бирлашган Миллатлар Ташкилоти Бош котиби Антониу Гутерриш жанобларига алоҳида миннатдорлик билдираман.

Анжуман ишида БМТ Бош котибининг вакили жаноб Маркус Потцел иштирок этаётгани Бирлашган Миллатлар Ташкилотининг Афғонистонда тинчлик ва барқарорликни мустақамлаш борасидаги мақсадларга қатъий содиқ эканидан далолат беради.

Европа Иттифоқи ва Европа мамлакатлари, Хитой, Россия, АҚШ, Марказий ва Жанубий Осие, Яқин ва Ўрта Шарқ, Осие-Тинч океани минтақалари давлатлари махсус вакилларининг

конференцияда иштирок этаётгани эса бугунги учрашувнинг аҳамиятини янада кучайтирмоқда. Сизлар Афғонистон муаммоларини ҳал этиш ва афғон халқига ёрдам кўрсатиш бўйича қарорлар қабул қилишда бевосита қатнашиб келмоқдасиз.

Биз бугунги форумда Ислоҳ ҳамкорлик ташкилоти, Иқтисодий ҳамкорлик ташкилоти, шунингдек, халқаро молиявий институтлар ва етакчи таҳлил марказлари вакилларини кўриб турганимиздан хурсандимиз.

Анжуманда иштирок этаётган ташқи ишлар вазири вазифасини бажарувчи жаноб Амир Хон Муттақий бошчилигидаги нуфузли Афғонистон делегациясини ҳам қутлаймиз.

Мазкур конференция Афғонистоннинг янги ҳукумати билан афғон халқи ва бутун халқаро ҳамжамият манфаатларини ҳар томонлама ҳисобга олишга асосланган ўзаро ҳамкорликни йўлга қўйиш юзасидан амалий фикр алмашиш учун имкон яратади, деб ишонамиз.

Давоми 2-бетда. ▶



ДАВЛАТ ДАСТУРИ

ИЖРОСИДАН МУТАСАДДИЛАРНИНГ
ЎЗИ ҚОНИҚАДИМИ?

5 САҲИФА



МАРКАЗИЙ БАНК РАИСИ ХОТИРЖАМ

ДУНЁНИНГ ТУРЛИ НУҚТАЛАРИДА
БўЛАЁТГАН МУРАККАБ ВОҚЕАЛАРНИ
ЎЙЛАСАНГ, ҲАР ХИЛ ВАҲИМАЛИ
ХАБАРЛАРНИ ЎҚИСАНГ, КўНГИЛГА
ҒУЛ-ҒУЛА ТУШГАНДАЙ БўЛАДИ.
МАРКАЗИЙ БАНКИМИЗ РАИСИНИНГ
ЖАВОБЛАРИНИ ЭШИТГАНДА ЭСА
КўНГИЛ ТИНЧЛАНИБ,
ХОТИРЖАМЛАНГАНДАЙ
ТУЮЛАДИ.

6 САҲИФА

